

## قصة "العشق الملعون"

الكاتبة:رحمة محمدعبدالله

كُنْتُ راجع زي كُل يوم من شغلي

وطبيعة شغلي بروح الساعة تلاته، أو اتنين ونص بعد نص الليل، نسيت أعرّفكم بنفسي أنا أسمي يس عندي 24 سنة، مخلص معهد والحمدلله صنايعي في ورشة ملابس، المهم روح البيت وكالعادة كلهم كانوا نايمين، البيت كله هادي، ومفيش حد صاحي غيري، دخلت المطبخ أحضر اكله خفيفة وأنا واقف تخيلت كأن حد جري من جمبي، كتفه لمس كتفي بقوة، قلت لنفسي تهيؤات يمكن من التعب، محطتش في دماغي يعني.

تلفوني رن كانت خطيبيتي روان

قرينا فاتحه إيمارح، واتفقنا نلبس دهب بعد شهر ونص، حب عمري بقى وكد، رديت عليها تطمئنها إني روح، قفلت معايا وقالتلي إنها هتنام بقى عشان وراها جامعة إصبح، خلصت معاها وقتلتها أنا كمان هنام، شلت الأكل، ويدوب بدخله على المطبخ، قبل ما اخرج طفيت نور المطبخ، والحمام إلي هو يعتبر جمب المطبخ عطلول فاصلهم حيطه، باب الحمام كان مفتوح، من عادتي ساعات بنسى الماتور، أو مش ساعات هو عطلول الحقيقة، رجعت أتأكد إني طفيته بس الغريب

إني لمحت عيون منوره في الحمام عيني جت عليهم، نورها مكنش عادي، عيون بتلمع زي عيون القطط.

رجعت بسرعة ولعت النور، مفيش حاجه، كدبت نفسي ورجعت تاني قعدت على سريري، بصراحة كنت تعبان قوي، فنمت، نمت محسنتش بنفسي، صحيت أصبح كد، حضرت هدومي، ورحت الشغل، اليوم كان ماشي عادي، زي كل يوم، مفيش جديد، لحد ما جت الساعة تلاته بليل، لسه هنقوم لقينا صاحب الشغل داخل علينا

وقال الطلابية مستعجلة، ولازم تخلص إنهارده، مفيش مرواح دلوقتي، وأنا في الحمام بغسل وشي، حسيت بسخونية شديدة قوي مع إن إحنا في الشتى ومع حضور السخونية شميت ريحة برفيوم نسائي جميلة، بس برضو ممكن يكون موضوع السخونية عادي لأن في الورشة هناك قسم مكوى، بس ريحة البرفيوم جت منين؟

دحنا حتى كنا غفر فبعض، قعدت اشم فيها بصراحة كانت ريحتها حلوة قوي، سرحت وأنا بشمها لحد ما فقت على صوت زميلي عمرو إلي بدخوله تلفني كُل حاجه تلاشت

عمرو:

أيه يعم يس قاعد سرحان هنا، وسايينا في الزعيق لوحدنا

يس:

أنا مش عارف بصراحة الواحد زهق، مفيش تقدير، الواحد يتعب ومفيش كلمة شكرًا حتى بنتقال

عمرو:

يعم إذا كان عليك فهانت كلها شهرين وتروح الجيش وترتاح، أما إحنا فقاعدين

يس:

على رايك هروح من هم هنا، لهم هناك، محسني إني هرتاح يعني

تلفوني رن، وكانت روان، نفس المكالمة بتاعة كل يوم، خدت الفون وطلعت برا

يس:

طب عن اذنك بقى

عمرو:

أيوا يعم هنياله، ربنا بوعدنا

خلصت معاه، ورجعت شغلي، فضلنا شغالين، ومحستش بالوقت، ساعة جابت اتنين، جابت تلاته، لحد ما  
خلصنا، رocht وأنا مش شايف قدامي، لدرجة نمت بهدومي من التعب، صحيت على صوت رنين الفون، كانت  
روان رديت عليها وأنا رايح في النوم

روان:

الو صباح الخير يا حبيبي

يس:

صباح النور يا حبيبي

روان:

معلش يا يس إيمارح نمت ومعرفتش اكلمك بليل

فتحت عيني باستغراب، لكنني خدت الموضوع بضحك:

إستني بس بينتي إنت ربيتي عليا بليل أنا فاكّر بطلي هزار بقى، مفكراني هخاف أنا كدّ

روان:

ههزر ليه يا بيني أنا امبارح كنت بشتري لاوازم الخطوبة، وجيت نمت مصحتش غير تاني يوم، وكلمتك، ولا أنت بقى عايز تثبتلي إنك بتفكر فيا عطول

سكت، وأنا مش عارف أرد بابه، أنا متأكد إنها كلمتني بليل، مش بحلم، بس مش لاقى تفسير

روان:

يس... يس

يس:

أيه يا روان

روان:

رحت فين؟

يس:

مرحتش في حته، بس أنا لسه مفوقنش، هصحى واكلمك يا حبيبتي تاني

قفلت السكه، وأنا مستغرب، الموضوع عدى، وعدى أيام كثير، بصراحة مفيش حاجه حصلت فيهم غريبة، وأنا كمان نسيت الموضوع، لحد ما جه يوم الخطوبة كنا طالعين بيت روان أنا وابن عمي، وباقي عيلتي كانوا حصلونا من بدري، كنت انا طالع في المقدمة العريس بقى وكذّ وقفتني قطة كانت واقفه قبل شقة روان بكام سلمة

نظرات القطة ليا كانت غريبة، نظرتها كانت فيها كره نوع من دّ، ويا جماعة أنا مش بكذب وقسم بالله القطة دّ مكنتش طبيعية، لأن معظمكم، أو كلكم ممكن يبصلها من ناحية قطة أيه إلي تخوف، بس حقيقي منظرها، وتبريقه عندها ليا فكرني بنفس العيون إلي شفتها في الحمام، حاولت أهوشها عشان تروح من قدامي لكنها فضلت ثابتة مع نظرتها الغريبة الحادة لحد ما محمود أبن عمي

محمود:

وسع وسع مش عارف تهش قطة، يخبثك يا عريس

يس:

يووه يعم أنا مبحش القطط أساسًا، حتى بص بتبصلي ازي كأنها غضبانه

محمود ضحك:

بتبصلك ازي يعني عينها منك ولا تكنش مراتك

يس:

أنا عارف بقى

الغريب القطة مرديتش توسع، راح محمود شالها نقلها لمكان بعيد شويه، وكمل تريقة عليا، منا شكلي نجم الحفلة إنهاردة

محمود:

هههه اهي يعم وسعتها، اتفضل يا سيدي عدي أي خدمه

طبعا الموضوع عدى بسخرية، ولما طلعتنا برضو كان فيه مجال للسخرية، والضحك، وخلصت الفقرة د، وكملنا اليوم بشكل لذيذ يوم لطيف وجميل وسط العلتين، خلصنا، وروحنا، بصراحه اليوم من جماله مقدرتش انام منه، وهي كمان برضو طبعا مكناش مصدقين إن اخيرا بعد حب تالت سنين اتخطبنا، فضلنا نتكلم أنا وراون محسناش بالوقت

يس:

روان...روان حبيبي إنت نمتي

روان بنوم:

اها يا حبيبي

يس:

تصبحي على خير يا حبيبتي

الفجر اذن قومت اتوضى، وأصلي بالمرّة قبل منام، دخلت الحمام لكني وأنا خارج سمعت من برا حنافية الحمام شغاله

فكرتها ممكن تكون بتنقط عادي يعني، بس فعلاً دخلت لقتها شغالة، والماية جايه شديدة قوي مغرقه الحمام، مديت إيدي اقلها لقيت حاجه اتحطت على إيدي بس أنا مش شايفها، حاسس بيها بس، حاجة سخنه قوي كانك جبت مائة نار وحطتها على إيدك، سحبتها بسرعة وأنا لسه مش مستوعب.

فجأة نور الحمام طفى، وشميت ريحة البرفيوم تاني، ولقيت كأن حد بيتكلم في ودني

: مِش هتنتنكون لحد غيررري يا يس، أنتنت ليا وبسسس

ولقيت النور جه، اتعدت من الشيطان الرجيم، وخرجت وأنا بنهج، بس المرة د مقدرتش أكذب نفسي لأنني بصيت على إيدي أثر الحرق لسه موجود كان في اليمين واخذ وضع كفي، وصوابع إيدي، مقدرتش أستحمل الدبلة بصراحة في إيدي فشلتها، وقمت رابط إيدي، قعدت على السرير بفكر، عقلي بيحاول يصورلي أي حاجة علمية اقتنع بيها، شوية أقول تهيونات من التعب، والسهر، وشوية أقول يمكن الدش اشتغل مائة سخنة، كنت بتوقع أي حاجة غير الإفتراض التاني، وإلي متمناش أنه يكون من الأساس ولو فكرة في عقلي، كنت بحاول أفنع نفسي بكذ، صفحة وأنا كنت فاكِر للاسف لحد دلوقتي إنها اتقفلت، كنت بحاول أكذب أحساسي، وأقول أنه ممكن المرة د يكون غلط، وفضلت افكر، افكر لحد ما نمت.

مش فاكِر نمت إمتا بس نمت، شفت واحدة جميلة قوي واقفه بظهرها، شعرها أسود زي ضلّمة الليل طويل مغطي ظهرها، شوية وريحت البيرفيوم جت، وصوت غنى جه من البنّت د، صوت كان حلو قوي، شوية والبنّت بدأت تلف رقبتهَا براحة وهي ما زالت بتتردد في الأغنية، لحد ما شفت وشها

وشها مش باين ليه ملامح، عبارة عن لحم سايح، مشوه، مسخ بجسم بنت، صوت الغنى اتقلب لصوت بشع مكتوم، وشوية الصوت سكت واتحول لصراخ، فضلت تصرخ في وشي، تصرخ، صحيت من النوم إظهار إنه كان كابوس،

رحت خدت اجازة وعرفتهم في الورشة إن خلاص كلها اقل من أسبوع ورايح الجيش، رحّت اشتريت شوية حاجات، ومستلزمات للجيش، جبت شنطة، وجبت كتب، وبقيت كل يوم أجهز حاجة، كل إلي كان مزعلني إني هبعد عن اهلي، وعن روان بشكل كبير، أقرب شخص ليا، وإلي كان شاغلني تغييرها خصوصاً إن من يوم ما لبسنا الدبل وأنا حاسس إنها متغيره.

مبقتش تتصل زي الأول، ولما بكلمها فين وفين على ما ترد، بس مكنتش مبين د، يمكن مشغولة، أو مبتسمعهوش زي ما بتقول، كان فاضل خلاص يومين بالعدد، جهزت كل حاجة، وكلمت روان ننتقابل، واليوم كان لذيد بصراحة نساني أي زعل منها، خلصنا وبعدين روحتها، ورحت اقع مع صحابي شويه على القهوة، معدتش اللمة د هنتلم ثاني غير في الأجازات، قعدنا نتكلم، ونهزر خلصنا وقمت روح البيت كانت الساعة واحده ونص.

كله نايم معدى أخويا إلي لسه مجاش، مكنتش فيه غير والدتي اطمنت عليا، ودخلت تكمل نومها هي كمان، ومفضلش غيري بس إلي صاحي دخلت أوضتي، في الحقيقة أنا طول عمري بروح في وقت متأخر، سوا شغل، او غيره، فحكاية إني اخاف د مبقتش تاكل معايا، بس مش عارف ليه يومها حسيت بخنقه، ونوع من الخوف، معن اليوم كان جميل، فجأة قلبي وجعني، سخونية الأوضة زادت، ريحت البرفيوم ظهرت، ولقيت نفس صوت البننت إلي سمعته في الحلم بيتردد بس بصوت هادي، بس المرة د في الحقيقة.

حسيت جسمي كله متربط، لساني ثقيل، حتى مش قادر أقرأ قرآن، رجع نفس الصوت يتردد ثاني بس المرة د بصوت بشع، تخين، ولقتني بتحدف على السرير بقوة، وإيد بتتلف حوالينا رقبتي بتخنقني

"قتلك مش هتكون لحد غيري يا بس، هقتلك... هقتلك أنت ليا أنا وبس، هقتلك أنت ليا أنا وبس"

وفضلت الأيد الخفية تخنق فيا، لحد ما باب الاوضة اتفتح، ولقيت عبدو اخويا دخل

عبدو:

ايه بيني عمال أخبط عليك مبتفتحش ليه

قمت اتعدلت بالعافية، واتكلمت ولساني لسه ثقيل:

عبدو أنت سمعت الصوت صح

عبدو:

صوت صوت أيه

يس:

الصوت إلي كان بيكلمني في الاوضة هنا دلوقتي

عبدو:

انا مسمعتش حاجة باين عليك كُنت بتحلم

يس:

بحلم! يمكن بس أنت أيه إلي جابك دلوقتي

عبدو:

أنا كنت تحت مع صحابي، ولسه جاي، لقيت نور اوضتك منور قلت اخش اسلم عليك

يس:

اها

عبدو:

مالك يبني وشك مخطوف كدّ ليه كل دَ عشان هتدخل الجيش

يس:

لا لا مفيش حاجه بس أنا عايز ارتاح يا عبدو

خرج، وأنا نمت، أو شبه نمت، حاولت مفكرش فإلي حصل، وأحاول انام، بكرة هيكون يوم طويل، نمت وشفنت روان كانت واقفه قدام مرايا، بس إنعكاس المرايا مكنش ليها!

كان لنفس البننت إلي بشوفها في أحلامي، وشها مسخ، مشوه محروق، شوية ولقيت البننت د مسكت سكينه كانت في إديها، عنيهما جت عليا ضحكتلي ضحكة كُلهما شر وقربتها من رقبتهما، ودبحت نفسها، المشهد أتبدل، ولقيت إنعكاس روان هي إلي في المرايا، قربت السكينة، ودبحت نفسها.

الدم إلي نزل من روان كان شكله غريب، لونه أسود بشع

:

أصحي يا يس، يا يس أصحي خلالتك برا

بصوت كله نوم:

حاضر يا أمي أنا صاحي اهو

وخرجت، بعدها فقت، وكلمت روان بسرعة اطمن عليها، لقتها كويسة الحمدلله، ولما سالتني مالي طبعًا كان باين على صوتي الخوف، والتوتر، طمنتها، وفهمتها إن مفيش حاجه بس كنت بطمن عليها، قمت لبست بسرعة، وخذت فوني عشان أنزل، أمي أستغربت إنني نازل، سلمت على خلاتي وفهمتها إنني ورايا مشوار ضروري، وفي الحقيقة المشوار دَ كان لازم أروحه من أول ما بدأت تحسني كُـل الحاجات دَ، وصلت لحد البيت، كان بيت قديم شوية في منطقة شعبية، وبدأت اخبط على الباب بس من غير فائدة، واحد كان طالع على السلم شافني بخبط سألني عايز مين؟

يس:

أنا عايز الشيخ داوود، مش د شفته

:

بس الشيخ داوود مسافر بقاله يجي جمعة

يس:

أيه مسافر، طب متعرفش هيرجع أمنا

:

والله أنا مش عارف، بس باين كان قايل إنه هيرجع بعد شهر

يس:

شهر يااه، طيب

:

خير إن شاءالله، أنا ممكن أدلك على واحد كان بيتعلم على يد الشيخ داوود برضو، وبيته مش بعيد عن هنا

يس:

لا خلاص شكرًا، عن أذنك



ونزلت، كنت مخنوق، وخايف، ومتوتر وأي أحاسيس ممكن يحس بيها حد كنت في الوقت دَ حاسسها، شعور إن الحاجة دَ تتفتح بعد أربع سنين من قفلها كان مكون جوايا رعب، مش عليا على قد ما على الناس إلی حواليا، وخصوصاً روان أقرب مخلوقه ليا، الوقت خدني في المشي، ولقيت الساعة بقت 11، روحت البيت قرايبي، وأعمامي كانوا هناك، أو هما علطول هناك إحنا أساساً بيت عيلة، دخلت سلمت عليهم، ومواضيع عن الجيش إلی يعتبر كُنت ناسبه أصلاً، جت الساعة 1

دخلت لبست، جهزت شنطتي، جتلي مكالمة إن العربية إلی هتخدني بقت تحت، قفلت معاهم وأتصلت بروان اودعها وقلبي حاسس إنه الوداع الاخير، طمنتها إن أول ما أعرف أكلمها هتصل عليها، سلمت على أهلي، وسبت الفون معدتش هحتاجه، خدت شنطتي ونزلت، بعدها بقى إنشغلت في الخدمة، والتدريب، اليوم هناك كأنه سنة؛ لكنه كان بيعدي، حكم النفس على النفس وحش قوي.

مر أسبوع وفي الأسبوع دَ الحقيقة مفيش حاجة غريبة كانت بتحصلي، كُله شيء كان بيمشي طبيعي، حتى الكاوبيس مبتتش تجيلي، وكنت بكلم أهلي كل فترة أطمئن عليهم، مكنش فيه حاجه شاغلة دماغي غير روان، كان صوتها بيبقى متغير كُله ما أكلمها، كأنها عاوزة تقولي حاجة.

روان:

أزيك يا يس

يس:

أنا كويس يا حبيبي طمني عليك أنتِ عاملة أيه

روان:

كويسه متقلقش عليا، خد بالك أنت من نفسك

يس:

مالك بينتي صوتك متغير ليه؟

روان:

مفيش حاجة

يس:

لا فيك أحكي لي مالك

روان:

يووووه يا يس قتلناك مفيش حاجة

وقعدت تيرر أنه شوية تعب ويس، ومر أول شهر، وأخيرًا هأخذ أجازة بعد 45 يوم في المدة د كل حاجة كانت ماشية طبيعي، وروان برضو كلمتني بعدها بشكل عادي، وخصوصًا آخر مكالمة إظهار إنني كُنت بوهم نفسي من القلق بس، كُنت همشي بليل من الخدمة، قعدت أحضر شنتطي عشان أنزل البلد.

وأول ما خلاص بقيت قريب من شارع البلد بتاعنا قلت أعدي الأول على روان أشفها كنا الساعة عشرة الصبح، لقيت صويت، وستات بتصوت، وأم روان واقفه منهاره من العياط قدام البيت بتاعهم، قربت منهم وأنا رجلي مش شيلاني، وصوت الناس من جمبي، إلي يقول حرام لسه صغيرة، وإلي تقول خطيبها يعني مصدوم، وإلي يقول ليه تعمل كد في نفسها، لقيت أمي هي كمان هناك عماله تططب على كتف أم روان، د كله وأنا لسه مش مستوعب.

قربت من أمي وسألته روان جرالها حاجة، ساكتة ليه روان مالها

:

روان بيني قتلنت نفسها، دخلوا عليها الصبح لقوها شانقه نفسها، روان ماتت

في اللحظة د حسيت الدنيا بتلف من تحتي، مش مستوعب، روان ماتت، أيه السبب إلي يوصلها لك، مع الحزن، والكسرة سيطر عليا الصمت ويس، المغسلة خلصت، وبعد ما دفناها، وخذنا العزاء كل واحد راح على بيته، كل د وأنا لسه في حالة هدوائي وصمتي، أبويا وامي قعدوا يكلموني، ويهونوا عليا وأنا مش معاهم أساسًا، هما في عالم، وأنا كُنت في ملكوت ثاني خالص.

دخلت أوضتي أرتاح بعد يوم صعب، ود كان المفروض يعني لكنه كان العكس، كل صمتي أتحوّل لغضب وبقيت أكسر في كل حاجة تيجي في وشي، سمعت أمي من وراه الباب خايفه وعاوزه تخش تلحقني لأعمل في نفسي حاجه، لكن أبويا وقفها وقالها سبيه يمكن يرتاح شويه، كسرت كل حاجة في الأوضة لحد ما حسيت إنني ارتحت نوعًا ما.

قعدت على السرير وشريط حياتي بدأ يتسلسل قدامي، لحد ما نمت، نمت ومع تعب اليوم، والضغط محسنتش بحاجة، صحيت كنا الضهر، لبست ونزلت رحت لحد بيت روان، رجلي كان عليها صخرة مكنتش شيلاني أول مرة أروح مكنتش هناك، خبطت على الباب فتحلتني أمها، طلبت منها تحكي لي عن آخر فترة لروان، وأيه إلي

وصلها لكذ، قعدت تحكيلى إن روان كانت بتحكلها عن ظواهر، وحاجات غريبة كتير كانت بتحصلها، وكوايبس بس هما مكانوش بيصدقوها، وقالتي في الليلة إلي قبل ما تموت فيها كانت كويسة، وفرحانة إنى نازل أجازة، ولما دخلوا عليها تاني يوم لقولها شانقه نفسها، وقبل مامشي قالتي حاجة غريبة

قالتي إن المغسلة وهي بتغسل روان وهي معاهم شافت فيه علامة حرق غريب حوالين رقبتها، دَ غير الحروق، والجروح إلي لقوها في باقي جسمها، مكنتش متصورة إن بنتها وصلت للحالة النفسية المتأخرة دَ، كُله دَ وهي عماله تحكي وأنا ساكت وبس، هتكلم أقول أياه أقول إن أفترض 99% تكون ماتت بسببي أنا، أستاذنت ومشيت وأنا متأكد إن روان منتحرتش زي ما بان، روان أتقلت، بس من كتر التفكير مكنتش قادر احل السبب، طب الحاجات دَ عاوزاني أنا أزي اتنقلت ليها، وليه دَ كله، مقدرتش افسر كُله دَ، رحمت تاني لبيت الشيخ داوود ودَ إلي عرفته عن طريق شيخ في الجامع دلني عليه بس المرة دَ كان موجود، أول ما تدخلت أبتسم ليا كأنه كان عارف إنى جاي تاني، قعدت معاه وبدأت أحكيه من الأول خالص

الشيخ داوود:

عاوزك تحكيلى كُله حاجة يا بس كُله حاجة

حاضر يا شيخ داوود، أنا من حوالي خمس سنين اتعرضت لتجربة حب فاشلة، وقعدت فترة كبيرة منعزل عن الناس، وعن اهلي، وعن دراستي كمان، كان عندي هواية وهي عمل الأبحاث، في الوقت دَ بدأت أبحث عن عالم ما وراء الطبيعة، قرأت كتب كتير عن السحر، وعن الجن، وآخرهم كان كتاب شمس المعارف، وإلي فتح عليا باب جهنم، كنت بسمع اصوات، وساعات كتير كنت بشوف يشيخ، أيوا كنت بشوف حاجات العين متقدرش تشوفها اساسا، حاجات تجيب الهلع، والرعب، كنت بنام أصحى ألاقى نفسي في عالم تاني، عالم كله نار، ماشيه فيه كائنات غريبة، منهم الطويل، والقصير، وكلهم شكلهم بشع.

في الوقت دَ أتعرفت على راجل كان لسه جاي البلد جديد قالي أن اسمه الشيخ عارف، ولما حكته عن كُله حاجة، قالي إنى تطلعت على عالمهم عشان كذ مش عاوزين يسبونني، وخلاني أعمل طقوس غريبة عشان أطلب السماح منهم، وساعتها قالي

"أسمع يا بس إلي هقولك عليه بالحرف تنفذه لازم يرضوا عنك عشان يسامحك، ليلة إكتمال القمر تجيلي وأنا هقولك هنعمل أية"

وفعلًا رحته يا شيخ داوود، وهو حضر شوية حاجات غريبة، وكانت اغرب حاجة أنه طلب دم مني عشان يرضوا عني، ومن بعدها محصليش حاجة، والراجل إلي اسمه عارف دَ أختفى من البلد نهائي

لقيت الشيخ داوود قاطعني:

طب ومجهئير

بي:

مجهئير مين يا شيخ

الشيخ داوود:

الجنية إلي اتسلطت عليك

استغربت بصراحه في نفسي وقلت:

جنية... جنية أيه يشيخ، ومين هيسلطا عليها

الشيخ داوود:

جنية من قبائل الجن الأحمر، أشد القبائل قوة، مشفتهاش قبل كد ولا هي ظهرت ليك؟

قعدت شوية أفكر:

لأ مشفتهاش، أو يمكن حسيت بيها بعد خطوبتي، لكن قبل كد مكنتش بتظهر، ظهرتلي مرة في حلم وكانت أول مرة تظهر

الشيخ داوود:

كنت بتحس بيها أزي قولي يا يس

يس:

ساعات يا شيخ كان المكان إلي قاعد فيه يقلب سخونية كأني في جهنم، وأشم ريحة برفيوم حريمي كان بيخنقني

سكت شوية، وكمل:

كلمتك، أو مطلبتش منك حاجة قبل كد علاقة مثلاً

يس:

لأ لأ محصلش، بس كلمتني وهددتني إنها مستحيل تسبني أتجوز غيرها

فضل ساكت مبيتكلمش

يس:

ها يا شيخ طمني، ومين دَ إلي هيسلطاها عليا؟

الشيخ داوود:

عارف يا يس، وبمناسبة مهوش شيخ ولا حاجة دَ ساحر، معروف عنه أنه ملوش مكان معين بيظهر في بلد ويختفي تاني، محدش عارفه مكان

يس:

وهو هيستفاد أياه يا شيخ من كدَ

الشيخ داوود:

عارف من أول لحظة عرف إنك مش بني ادم طبيعي

يس:

مش مش أياه يا شيخ أو مال أنا عفريت ولا مسخ

الشيخ داوود:

مش بشكل دَ يا يس، أنت عندك قوة روحانية، إنسان زهري، ومش كل البشر عندهم إلي عندك

يس:

معني مش فاهم حاجة بس الساحر عارف دَ أياه استفادته

الشيخ داوود:

بص يا بيني مش هعرف أفهمك كل حاجة، بس الناس الروحانية، أو الزهرية دَ بيبقى ليها خدمة بس من العالم العلوي، الساحر إلي زي عارف، وأمثاله بيستخدموهم في الأعمال، والدم إلي خده منك عارف ده قدمه ليهم زي قربان، لأنه بيبقى مفضل عندهم، وعشان تقبل تشتغل معاه سلط عليك جنية وهي جمثير عشان تبعذك لو كنت ناوي تستخدم روحينتك في الخير، ويضمن إنك تجيله تاني، هو ليمنك يَأذيك لأنخ محتاجك، ولأن كمان إن الجنية رفضت تأذيك لأنها عشقتك ودَ كله بسبب السحر الأسود إلي عارف عمله وأستخدم فيه الدم بتاعك، بس زي ما خطيبتك أتأذنت متستبعدش إنها تتكرر تاني.

خلص كلامه الشيخ داوود وخرجت من عنده متلغيط أكثر، أنا مين، وموجود ليه معرفش، حدد معايا معاد تاني، بس الظاهر إنني لسه الطريق قدامي طويل، روحت البيت، ودخلت أوضتي، صوت جوايا شجعني وأنا عارف إن إلي هعمله دلوقتي مش هو الصح، بس حقيقي فقدت الأمل

أنا هنا، إذا كنت عاوزه تأذيني وريني نفسك، أنا عارف ومؤكد إنك سمعاني، ومستنيه أوافق عشان تروحي تقولي لسيدك عارف، أظهري يا جمثير

حسيت بسخونية في الأوضة، بصيت لقتها في آخر ركن في الأوضة كانت اوقفه وبتبصلي، شكلها مستبعد عن الوصف، رجليها رجل معيز، جسمها أسود متلون بالنار، شعرها محروق، عنيتها حمرا وخارجة برا شوية واتكلمت

"يعجبني فيك جرائتك يا بس، عارف مش سيدي هو إلي عبد لينا، وأنت كمان هتكون زيه

لقتني ضحكت، عاوزين تعرفوا الحقيقة مكنتش خايف، ولا الموضوع كان جديد عليا، هخاف ليه، ومن مين، وهو إلي حصل في اليومين دول ليا حد يصدقهم، ولا حد هيصدقهم لو حكيت، ورديت عليها بكل جمود:

لأ أنا مش هكون عبد ليكم، أنتم إلي هتكونوا تحت طوعي، وخدمتي، قولي لعارف إنني مستعد أجيله بس بشرط مياأديش حد تاني من عيلتي

أنا كمان عندي شرط تتجوزنب، وعمرك ما هترجع تاني العالم دَ

موافق، موافق على شرطك، بس تدوني السلطة، والحكم، ولقيت بوابة تحت الأرض اتفتحت، مدت إديها نحيتها وقالتي أدخل عارف جوا مستنيك، وباقي القبيلة بانتظارك

ودَ هيكون آخر سطر هكتبه من مذكراتي ليك يا يونس، في الوقت إلي هتقرأها فيها هكون أنا هناك... هناك... مع الجنية إلي عشقتني، وعارف الساحر، محدش يدور عليا لأنكم مش هتلقوني، ممكن لو رجعت حتى لو شفتوني عمر ما حد هيصدق إن أنا دَ، أنا موجود بس بشخصيه تانية خالص يمكن تكون أتعملت معايا، أو لسه هنتعامل معايا قريب.